

國

朝

詞

綜

國朝詞綜卷二

青浦王昶纂

王士禎十六首

張錫懌二首

丁澎七首

馮雲驤一首

劉體仁一首

周宸藻一首

陸求可一首

嚴沆二首

巢震林一首

黃永一首

萬錦雯二首

孫暘五首

吳兆騫一首

李天馥四首

鄒祇謨二首

毛際可二首

林雲銘 一首

楊大鯤 二首

孔尙任 一首

張僧乙 一首

張養重 一首

陳允衡 一首

盧元昌 一首

王之謩 二首

魏際瑞 一首

李漁 一首

洪昇 一首

王士禎

字貽上號阮亭山東新城人順治十八年進士官至刑部尚書追謚文簡有衍波詞一卷

彭義門云衍波詞體備唐宋美非一族江上之風高雁斷蜀岡之亂柳啼鶯贈雁之水碧沙明參橫月落遠向瀟湘去直合東坡稼軒白石梅溪爲一手鄒程村云衍波詞小令極哀艷之深情窮倚盼之逸興
溪沙諸閣不減南唐二主也
昨夜花陰澹

望江南

江南好春暮雨廉纖魚子天晴初出水鼠姑風細不鉤
簾底事惱江淹

又

江南好畫舫聽吳歌萬樹垂楊青似黛一灣春水碧於
羅懊惱是橫波

點絳脣

春詞和漱玉韻

水滿春塘柳綿又蘸黃金縷燕兒來去陣陣梨花雨
情似黃絲歷亂難成緒凝眸處白蘋紅樹不見西洲路

浣溪紗

雨後燕絲罥碧紗朝來鵲語闌簷牙日痕紅曙一欄花
殘夢未遙猶眷戀篆烟初長半天邪消魂應憶泰娘
家

又

柳暖花寒雨似酥流鶯和夢覺來無東風料峭捲蝦鬚
欲覺瀟湘屏上路楚山如黛少雙魚日脂慵點鏡中
朱

又

小院藤蕪欲作叢鞦韆池畔畫堂東日斜鶯轉謝娘慵
情思詭人何處去碧桐陰裏下簾櫳玉釵微墮髻鬟

鬆

又

寶馬流蘇上洛津
玉人相見宋家隣
重重屈戌掩殘春
檀暈乍消星的淺
眉痕初淡月稜新
簾衣如縠映橫陳

減字木蘭花

楊花和弇洲韻

紗窗夢起極目玉關人
萬里斜綰千條自古銷魂是灞橋
春陰不盡除却殘鶯誰借問陌上樓前消得香閨
幾日憐

柳含烟

國朝言集卷二
銷魂樹曲江邊移自永豐坊裏東風吹雪又吹綿艷陽
天何處行人歌水調極目粘天芳草錦帆曾此向天
涯落誰家

應天長

刺繡

餞春時節深深院睡起金衣花外轉繡牀輕素絲軟一
幅吳綾秋水面麝烟微螺黛淺衣上唾絨紅灑花落
日長人倦偏髻拖殘線

醉花陰

香閨小院閒清晝屈戌交銅獸幾日怯輕寒簫局香濃
不覺春先透韶光轉眼梅花後又催裁羅袖最怕日

初長生受鶯花打疊人消瘦

拜星月慢 踏青

雨暈紅酥波酣碧醞乍是清明百五花信風輕拂繡簾
珠戶人初起慵向鏡臺勻面何處隔窗低語青雀傳書
約踏青同去 樂游原一片香車度玉津園十里烟花
路無恙往歲春光又匆匆相遇倩游絲牽惹東君住消
魂絕幾陣棠梨雨呼女伴歸去瓊閨掩漫天飛絮

浣溪紗

出鎮淮門循水秦淮折而北陂岸起伏多態竹木鬱清流映帶人家多因水爲園

亭榭溪塘幽窈而明瑟頗盡四時之美犂小艇如河西北行林木盡處有橋宛然如垂虹下飲于澗又如麗人靚妝衫服流照明鏡中所謂紅橋也游人登平山堂率至

法海寺捨舟而陸徑必出紅橋下橋四面皆人來荷塘六七月間菡萏作花香聞數里青蔥白舫絡繹如織良謂勝游矣因填小令志之

北郭清溪一帶流紅橋風物眼中秋綠楊城郭是揚州
西望雷塘何處定香魂零落使人愁澹烟芳草舊迷樓

菩薩蠻 迷藏

玉蘭花發清明近花間小蝶黏香鬢邀伴捉迷藏露微
花氣涼花深防暗邏潛向花陰躲蟬翼惹花枝背人
扶鬢絲

又 彈琴

玲瓏嵌石紅蕉葉蕉陰寶鴨香初熟獨整素琴彈琴清

玉手寒

聲聲珠作串彈出湘君怨今夜夢瀟湘琴心

秋水長

鄒程村云青溪遺事諸首摹畫坊曲瑣事可謂盡態極妍阮亭拂箋晚菴時便如杜牧韓偓身

經游歷尋歡綺綺含啼纏綿青陵紫陌得此燕樂又何必周葉輩以寫生論工拙耶

張錫懌

字宏軒上海人順治十二年進士官泰安州知州有嘯谷餘聲一卷

孫愷似云嘯谷詞其源出于東坡而溫雅綿麗含蓄不露則斟酌于小山淮海之間

錦堂春

納涼

池暝濃烟蔽竹庭虛皓月窺廊梧桐篩影闌干上低拂

竹方床

螢火暗驚團扇爐烟細裊茶香倦來一枕羲

皇夢隨意繞瀟湘

玉蝴蝶

春思

乍暖乍寒天氣登樓送目芳草萋萋百丈游絲繞樹杏
苑桃溪綠初勻雨梳弱柳青不斷烟鎖長堤日遲遲雙
眉慵展悄地相思 凄其舊歡如夢爭調銀甲酒泛醪
醪試卜金錢未知何日是歸期坐黃昏燕歸藻井臨曲
檻花隱翠思信音稀憑誰堪寄有淚空垂

丁

彭

字飛鵬仁和人順治十二年進士官
禮部郎中有扶荔詞三卷詞變一卷

宗定九云扶荔詞如瑣窗寒咏東風入柳非
姬弄花無影柳初新咏柳及早和德同倚怕
消魂夕陽飛絮淒楚同環情味無盡以視花
間草堂諸詞不啻奴盧橋而婢黃柑與蒲荷
而隸杏迷

攤破浣溪沙

一翦鴉翎半鞦肩生憎嬌小向人前曾解東風多少恨
自今年愛唱新翻歌尚怯學梳時樣髻長偏捉得蜻
蜓雙疊翅背人看

醉花陰

春暮和清照韻

簾影沉沉移午晝迷迭消金獸彈淚上花梢一霎風吟
片片臙脂透困人天氣黃梅候粉汗沾羅袖鸞鏡掩
重開試揣紅綿却是何時瘦

又
寒食

牆角秋千紅影度踏遍新苔露眉恨寄天桃賺燕迷鶯

都是相思樹 柳絲烟挽湘簾暮春悶晴如雨樓不更
飛花屈戌重重難鎖東風住

虞美人 春恨

夕香人去金猊冷翠掩屏山影合歡一夜滿庭開蝴蝶
不知人恨却飛來 片時枕上春勾引已是消魂盡夢
回甯得幾多魂又被姊歸催去二三分

蝶戀花

嫩綠枝頭鶯睡穩羞帶宜男閒却雙蟬鬢夢逐春歸和
淚搵薔薇消得東風恨 眉鎖斜陽添薄暈初試水綃
漸覺香肌褪蝴蝶也知春意盡花鬢亂落輕黃粉

行香子

離情

纔住香車忽過平沙片時間人遠天涯今宵好夢何處
尋他但一更鐘三更雨五更鴉 愁對飛花怕見殘霞
別離情付與琵琶斷魂江上吹落誰家正夢兒來燈兒
暈枕兒斜

柳初新

本意

雪殘小苑東風住放嫩黃初吐蝶香未染鶯梭猶澁夢
隱池塘輕霧最惜纖腰如楚恐難禁灞橋人去 翠閣
凝眸低語看春衫半分金縷因風么裊柔條無力挽不
盡隴煙湘雨及早和他同倚怕消魂夕陽飛絮

馮雲驤

字訥生振武衛人順治十二年進士有寒山詩餘一卷

浣溪紗

十里晴波鏡裏天
雙雙鸕鶿傍沙眠
釣絲冉冉弄江烟
潮水平時紅棹穩
斜風吹處綠蓑偏
繫舟常在古梅

邊

劉體仁

字公勇潁州人順治十二年進士官吏部考功司郎中有七頌堂集詞附

秦樓月

別恨

簫聲咽峭寒輕暖花時節
花時節蒲帆帶雨明朝成別
况他簾桁銀鈎曳輕教燕子分飛
微分飛微拂絃紅
袖淚痕重范

周宸藻

字端臣嘉善人順治十二年進士
官陝西道監察御史有柿葉齋集

浪淘沙

鶯燕太匆忙旖旎風光玉梭和淚織流黃感得遠山眉
又淺怕整殘粧今夕在何鄉羅綺餘香空教寶瑟弄
初涼眼底青春今去也花落銀床

陸求可

字咸一山陽人順治十二年進士
官刑部郎中有密菴詩餘四卷

殢人嬌

湖上柳

輕煖輕寒釀就湖頭柳色搖蕩處黛煙如滴朱樓掩映
繁玉郎金勒鎮日裏多少燕穿鶯擲張緒當年風流
堪識蠻腰細東風偏急三眠乍起共波光爭碧晴陌上

不送陽關行客

嚴

沈字子登餘杭人順治十二年進士官至戶部侍郎

卜算子

秋夜

布被早寒輕燈避空傳喜今夜應過昨夜長况未醺醺
醉簷外又西風吹過庭槐墜敗葉虛窗響到明那許
愁人睡

蝶戀花

幾日棟花風不住零落殘英簾外飛還聚慣向池塘吹
柳絮遊絲也逐東西去謝女剛吟腸斷句一箇黃鶯
似共愁人語槐葉空陰無意緒黃昏又是纖纖雨

巢震林

武進人順治十二年進士

如夢令

春閨

艷曲背人偷和小疊雲箋粉浣窗下理春衣重認石華
新唾無那無那繡被半溫愁臥

黃永

字雲孫武進人順治十二年進士官刑部郎中

醜奴兒

風風雨雨二十四橋凝望處玉佩丁東翡翠屏間醉小
紅揚州歌吹別院笙簫花底媚人在黃昏金鴨香消
半掩門

萬錦雯

字雲紋宜興人順治十二年進士官中書舍人

滿庭芳

九日

塵葉敲牕枯藤掃壁西風吹老年華自憐萍梗歲歲客
天涯又是重陽到也從何覓桑苧煎茶空回首畫溪雲
樹都被亂峯遮無邊搖落恨况逢多病觸緒堪嗟任
短衫塵泥破帽欹斜鎮日無人獨坐幾孤負綠醕黃花
疎櫺外淡烟殘照腸斷欲棲鴉

風流子

長天望不極秋容淡羈客渺何依念牢落一身愁來影
共伶仃諸弟別後音稀消魂處葉兼疎雨下鴻帶斷雲
飛新夢砧回獨堆殘卷矮牕燈映自掩重扉年華容

易去浮生事無奈日與心違兩鬢星星欲點猶未知歸
想菰米波漂誰尋鷗社釣絲烟卷莫歸漁磯孤負西溪
好景益悔今非

孫

陽

字亦霞號蔗菴常熟人順治十四年舉人有折柳詞一卷

朱竹垞云蔗菴詞心情澹雅寄託遙深能盡
洗草堂陋習與柘西交最深近復同住雙柏
樹下坐卧研論宜其詞之工也顧梁汾云
折柳諸作極清婉妍秀之致較浣紅居詞體
格又一變矣

憶舊游

送劉震修游武林

喜故人無恙天外歸來同慰飄零別淚收還未恁匆匆
吟屐又向蘭陵久客怕聞驪唱老去更關情看一抹青

山藕花風裡落日亭亭西泠帶人處是月澹蘇堤雨
暗南屏綠水迎雙槳羨暖香十里碧樹千層舊游易牽
離思鄉夢夜來曾待春柳生烟段橋載酒同聽鶯

解連環

送鮑子韶歸贛州卽次畱別原韻

紅箋題遍傍桃花不見舊時人面甚閒情更譜新詞又
興切歸兮悲歌彈劍班馬蕭蕭嘶寒月蘆溝一片問銀
箏何處今宵酒醒雞聲茅店休嗟髮絲易染看昔游
如夢荆高都散且鼓枻章貢臺邊向碧荇香離釣絲重
展待寫羊裙寄愁與南雲新鴈最關情門掩殘陽江空
歲宴

眞珠簾

送錢庸亭歸里

庭飈昨夜吟芳樹，做輕寒、幾點芭蕉新雨。故故亂鄉愁，向金門、延佇見說三江鱸。正美早斜曠，扁舟南浦去去。趁月滿潮生，布帆休住。相送潞水橋邊，恨蕭疎楊柳，又遮前路。計日到吳趨，正黃花堪數。應有床頭新釀熟，羨舉案雙眉猶嫵。楚楚聽翦燭，西窗畫屏人語。

木蘭花慢

送陸義山請假歸里

秋風生乍浦，香稻熟、紫螯肥。任嫩擘黃芽，甜分紅柰，不換葦絲。拓西舊時鷗鷺，白蘋邊、幾度怨歸遲。昨日陳情，天上宵來夢到漁磯。霏霏薄雪一些兒，爲爾沈塵緇。

想賀監風流烟波詩景未許人知漫疑終南捷徑只山
雲堪與說心期高臥不聞朝請隨他月落烏啼

掃花游

送徐果亭請假歸里

驪歌忽聽正九陌收燈兩番花信鞭梢破冷看題香驛
路柳黃莎嫩望到烟螺知是江南岸近切須問問吳苑
落紅猶未成陣湖上浮小艇又酒泛醑醑味添櫻筍
醉鄉夢穩夢京華只有池塘新韻與在東山不羨諸公
袞袞君休晒對春風幾多青鬢

吳兆騫

字漢槎吳江人順治十
四年舉人有秋簾詞

念奴嬌

家信至有感

牧羝沙磧待風鬟喚作雨工行雨不是垂虹亭子上休
盼綠楊烟縷白葦燒殘黃榆吹落也算相思樹空題裂
帛迢迢南北無據消受水驛山程燈昏被冷夢裏偏
叨絮兒女心腸英雄淚抵死偏縈離緒錦字閨中瓊枝
海角辛苦隨窮戍柴車冰雪七香金犢何處

李天馥

字湘北永城人順治十五年進士官至
武英殿大學士謚文定有容齋詞一卷

曹秋岳云楊用修評陸務觀詞纖艷如淮海
沉雄似東坡余謂容齋能兼擅所長

憶王孫

春望

妬春良夜愛春朝花外紅樓捲絳綃極目香塵舊板橋
路迢迢不見歸鞍見柳條

菩薩蠻

紀游和龔芝麓尚書

落紅萬片花如雨
子規聲裏啼春去
春去有人愁鳴箏
懶下樓
伴羞嬌掩袖知
否情依舊小立怕
催歸貪看
雙燕飛

烏夜啼

採蓮

遠山眉
斜陽渡橫塘行到
綠楊深處畫桡香
芙蓉
畔紅波亂濺羅裳
怕摘青青蓮子有
空房

小重山

閨情

屏掩瀟湘畫裏看
芙蓉金屈戌錦交關
黃星一點夕陽
山臨晚鏡無計避孤鸞
綵屏石榴斑銀泥蝴蝶小玉

弓寒香堦偶立不知還徘徊久端爲出來難

、鄒祇謨

字許士武進人順治十五年進士有麗農詞二卷

山花子 春愁

簷白春烟花信宜紅雲到處罨遊絲自是淒涼渾不管
總難支 小雨三更歸夢濕輕烟十里亂愁迷幸有姊
歸能解事未曾啼

山亭柳

咏隋堤新柳

紋縠微流正萬縷初柔垂綺苑映粧樓此日藏鴉多少
他時繫馬遲畱漸漸綠深黃淺一帶烟浮 花花絮絮
雷塘路風風雨雨到邗溝初學舞慣含愁遠恨能傳玉

笛輕寒乍到紅篝最是長條牽惹人在蘭舟

毛際可

字會侯遂安人順治十五年進士授漳德府推官改官知縣有悅雪詞鈔二卷

沈昭子云會侯博治研貫其所爲詞俱審音協律不愧大晟樂府之遺

謁金門

夏閨

離燕轉雨過綠槐如染小徑行來蓮印淺新苔添數點
簾上鰕鬚半捲甌內鳳團初碾瞥見回廊羞自掩衫
輕微露腕

清平樂

春愁

落花時節和淚飄紅雪畢竟淚流無斷絕不似飛花先
歇春愁百計難醫天涯隔斷相思除是花長不謝與

伊同撚花枝

林雲銘

字西仲閩縣人順治十五年進士

如夢令

剛把書燈吹隱帳轉寒衾不定客夢總難成何待夜鐘
敲醒休寢休寢幾月一條孤枕

楊大鯢

字九搏武進人順治十六年進士

如夢令

曉日和鶯催曙捲起一簾風絮無語暗低徊悄立落花
深處絲雨絲雨又送一年春去

踏莎行

春半

綠重平池紅飛清晝倚闌人別花時候小桃無語對人
愁垂楊欲舞和腰瘦燕子初歸海棠香透疎雲帶雨
鳴鴛鰲重門深閉鎖窗寒去年春恨依然又

孔尙任

字季重號東塘曲阜人聖裔官戶部郎中

鷓鴣天

院靜厨寒睡起遲秣陵人老看花時城連曉雨枯陵樹
江帶春潮壞殿基傷往事寫新詞客愁鄉夢亂如絲
不知烟水西村舍燕子今年宿傍誰

張僧乙

原名銘字西友嘉定人諸生有紫庭詩鈔一卷詞附

清平樂

收燈詞

收燈時候春嫩寒猶逗畫鼓無聲明月瘦寂寞翠鬟紅
袖沉沉深鎖重門停歌罷舞消魂還漸蜂翻蝶趁殘
梅細草春圓

張養重

字虞山
山陽人

浣溪紗

紅橋卽事同阮亭作

狹巷朱樓認妾家捲簾初下碧油車東風翠袖曳輕紗
岸上鶯歌隨柳弱水邊燕尾掠波斜春江流落可憐
花

陳允衡

字伯璣
南城人

浣溪紗

紅橋感舊和阮亭

隱隱簫聲送畫橈迷樓無影見平橋不須指點已魂銷
港口荷花紅冉冉岸邊野草碧迢迢遊人依舊弄新
潮

盧元昌

字文子江南華亭人諸生

醉花陰 和轅文重九作

暮雲靄靄高樓閉客整看花騎莫遣到南陵一片江山
慣賺登高淚青帘十里誰家肆笑解金龜寄回首漫
銷魂不是西風誰把黃花醉

王之蓐

字季猷青浦人布衣

浪淘沙

秋遊

曉月一霜天紅葉春妍碧波蕩槳木蘭船玉管遏雲歌
白雪淺撥湘絃遺鳥落金鈿翠黛秋烟流霞人醉海
棠眠別樣風情歸去也錦字題箋

浣溪沙

擬艷

風露高寒雉尾涼屏開雲母響珠璫宓妃湘水步霓裳
鳳琯繁音歌白紵銀燈綺宴出紅妝去來明月滿金
塘

魏際瑞

原名祥字善伯寧
鄱人有伯子詩餘

蝶戀花

小院日高花影轉簾捲玲瓏黛色遙山淺睡起慙慙晴

晝暖牕前一樹桃花滿
鏡裏暗憐顏色換芳草連天
遮得相思斷好夢無憑春
不管玉聰嘶過垂楊院

李

漁

字笠翁
蘭谿人

浪淘沙

春暮

柳絮忽飛揚散却春光等閒綠遍舊池塘無數浮萍遮
水面何處流觴蜂蝶一生忙尙戀餘香踏青散後倦
梳粧又是恹恹人病也天氣初長

洪

昇

字昉思錢唐人監生有昉思
詞二卷四輝娟填詞一卷

更漏子

渡瓜洲

暗潮生斜日墜瓜步晚雲初霽離別苦客途難江風吹

暮寒 疎窗靜孤幃冷旅夢還家纔醒年少日客中多
好春能幾何

國朝詞綜卷三

青浦王昶集

曹貞吉 十一首

支隆求 一首

董俞 三首

董元愷 一首

徐時浚 一首

江皋 三首

沈鯈 一首

葉映榴 一首

吳興祚 一首

宋犖 一首

陸世楷 二首

鄭俠如 一首

袁于令 一首

余懷 二首

呂師濂 一首

陸埜 四首

葉大忠 一首

毛蕃 一首

華衮 一首

陳舒 一首

朱大麓 一首

汪价 一首

毛先舒 一首

錢曾 二首

張潮 一首

錢謙 一首

袁殊 一首

王暉 一首

洪雲來 一首

王賓 二首

陸舜 一首

劉梁嵩 一首

曹貞吉 字升六 安徽人 順治十七年舉人 官禮部員外郎 有珂雪詞二卷

朱竹垞云 詞至南宋始工 斯言出 未有不次 怪者 惟寔庵舍人意 與余合 今就咏物諸詞

觀之心摹手追乃在中仙叔夏公謹兼出
天游仁近之間北宋自方回美成外慢詞有
此幽細綿麗否王阮亭云寔庵不爲閨語
靡曼之音而氣韻自勝其淡處絕似宋人

玉連環 水仙

盈盈似隔紅塵路陳思休賦黃昏不是乍聞香月底更
無尋處靜掩繡簾朱戶更聽微雨青溪溪畔女郎祠
髣髴見魂來去

賣花聲 秋夜

風緊紙窗鳴秋氣淒清淡雲籠月未分明雨點疎如殘
夜漏滴到三更孤枕夢難成怕聽聲聲一天黃葉雁
縱橫搔首自憐霜滿鬢又喚愁生

又丁巳清明

烟草似愁生綠滿長汀
隔牆一一賣花聲
十日雨絲天作劇
渲染清明
林外乍啼鶯
樓外峰青
東風拂面酒微醒
欹帽垂鞭何處去
淄淄寒輕

玉樓春

春晚

藤燕一剪城南路
弱絮隨風亂如雨
垂鞭常到日斜時
送客每逢腸斷處
悄悄門巷春將暮
樹底鶯紅愁不語
盡梁燕子睡方濃
落盡香泥却飛去

御街行

和阮亭贈雁

寒蕪極目連三楚
雁陣驚相語
一聲長笛出高樓
渺渺

斷雲天暮江深月黑霜寒人靜獨自啣蘆去 遙峰恰
是衡陽數寂寞瀟湘雨無端孤客最先聞嘹唳亂帆南
浦隻影橫空相逢何處紅蓼洲邊路

惜花華

牽牛花

河鼓星高繞葦牆幾點野花開了不近夕陽橫斜曉風
吹老依稀過雨長天誰脫下柴窗新稿杯小縱金盤露
濃承來些少 耐肯伴紅蓼只深描淺畫把秋容粧好
偷剪碧霞凝倩七襄人巧佳期約畧填橋望翠轡欲來
波渺更悄認籬邊暗螢相照

掃花游

春雪用宋人韻

元宵過也看春色
靡蕪澹烟平
楚溼雲萬縷
又輕陰作
暈綿飄絮舞
一夜梅花暗落西牕似雨飄搖去
試問逐風歸到何處
燈事纔幾許
記流水鉤車盡橋爭路
蘭房列俎嘆薜華易擲
髻絲堆素擁斷關山知有離人獨
苦漫凝竚
聽寒城數聲譙鼓

解語花

伯勞偷喚纔理晨粧
小立東風
徑綠陰深
靚苔痕溼羅襪
一鈎清冷遲迴不定
喜蝶粉花光相映
生憎他倒暈
明霞漏洩驚鴻影
百裯繡裙
厮稱似天風吹墮露桃
仙井冶游暗省
銷凝處
怕惹離魂難靜
流輝耿耿任撲

較亂紅飛暝帶滿身香氣歸來向枕邊猶剩

珍珠簾

雕房幾曲桐陰裏金塘側第一傾城姝麗髮鬢照人明
學遠山螺髻蟬影花光相撩亂襯一片芭蕉濃翠清綺
更珊鈎遲押冷波橫地疑是月底初逢被水輪掩映
纖綃情思宛轉翫瓊顏倩曉風吹起人在銀河清淺處
倚白玉欄杆如水心醉想道書牖把幽懷旖旎

水龍吟

白蓮

平湖烟水微茫箇人彷彿橫塘住碧雲乍起羽衣初試
靚妝楚楚露下三更月明千里悄無尋處想蘆花蘋葉

空濛一色迷玉井峰頭路 莫是芴蘿未嫁曳明璫若
耶歸去游仙夢杳瑤天笙鶴凌波微步宿鷺飛來依稀
難認風吹一縷泛木蘭舟小輕綃掩映問誰家女

柳色黃

對雨和竹垞

柳絮爲萍梅子漸黃天氣如許溪雲乍起遮山釀攸幾
絲微雨東西不定搖曳淡霧輕烟荷錢一一跳珠露庭
樹碧參差蔭青苔無數 平楚斷塘遙指如髮秧針綠
迷南浦暗想空江軋軋唯聞柔櫓亂紅無影寂莫靜掩
疎籬銅街溼糝香塵路倩斗帳高眠小牕邊聽去

支隆求

字武侯嘉善人順治十七年舉人
官沂水縣知縣有泊庵集詞附

菩薩蠻

空濛雨後晴
睂曉懸石上下行人少
香冷撲生衣
落花隨處飛
青峰看點點
樹影參差掩
古刹隱中林
暮鐘林外深

三

俞

字蒼水
江南華亭人
順治十七年舉人
有蘆鵲草間詞三卷

彭黃門云
蒼水情詞兼勝
小令尤工

菩薩蠻

草堂人去烟光夕
梨花殘雨銀塘碧
蝶夢此時幽
蟬吟一院秋
庭梧飄玉砌
曲燈茶烟細
獨坐數歸禽
疎鐘度遠林

又 陳友

去年元夕和君別今年又見梅如雪寒雁一聲聲君從
何處歸 愁來渾似醉千里同憶醉烟艇暮江寒誰憐
行路難

山花子

脉脉柔情怯曉風茜裙雙帶結芙蓉
僻徑遇人羞背立
柳陰中 幾度暗顰眉黛綠一回微笑粉痕紅願作翠
堤芳草軟襯鞋弓

董元愷

字舜民長洲人順治十七
年舉人有蒼梧詞一卷

尤展成云舜民以名孝廉忽遭誣誤侘傺不
自得故激切哀感悉寓于詞

如夢令

枝上啼鵲如訴喚起離愁無數曲徑古雲深隔斷夢中
來路回顧回顧月約花陰西度

徐夢綬

字仲宣清江人順
治十七年舉人

河滿子

暮色空濛一碧颯然小雨纔過水榭涼潭三萬頃烟中
不斷菱歌何處好風陣陣綠香早汎新荷搔首青天
試問閒來徒倚庭柯峽口月輪盈欲滿今宵枕簟涼多
小飲自消良夜航船并吸銀河

江臯

字在涓桐城人順治十八年進
士官至平慶道有染香詞一卷

生查子

殘漏擁青綾好夢偏隨枕如水注春愁難汲深深井
花落小桃紅池面波生錦曉起步芳叢滴露和香粉

卜算子

曉行

懸空月半鉤影落烏栖樹曉露如珠的的圓溼透征衫
處衝烟聞馬嘶隔水驚人語望裏遙山無數青遮住
還家路

江神子

秋柳

幾株疎樹近斜陽弄烟光漾橫塘最是西風南浦路凄
涼樓上凝粧人不見春夢裏影微茫繫人愁處萬絲

長絮飛狂燕飛忙記得門前曾控紫騮韉此日腰肢難
門舞消瘦盡不堪量

沈

鮪字木門嘉興人順治十八
年進士官安寧州知州

沁園春

眉

新月留痕曉山橫黛宮樣堪傳想卓女爐頭依然嫵媚
唐姬圖裏猶見清妍未語先顰欲歌還鎖暗託芳心舞
扇邊銷魂處有鶯黃初柳學畫雙尖斜分八字天然
筭贏得風流京兆憐更離筵斜倚輕羅常搵午窗倦繡
綵筆重添鈿小偏青春深易逗瞥見聞愁此際占歸應
喜想不須鏡裏待掃燈前

葉映樞

字炳霞上海人順治十八年進士官湖廣叅議死戛包子難贈工部侍郎謚忠節有蒼岩山房遺稿詞附

金菊對芙蓉

九月十七日賞菊

風折疎籬雨荒叢菊重陽節物全非更心旌南北馬首
東西悲秋老矣還添恨恨征人不共欣歸登高再約曉
山依舊低畫修眉傲霜未過花時認斜陽老圃瘦影
參差恰白衣人對綠酒盈卮田園蕪去思彭澤奈歸來
三徑偏遲香橙乍破瘦螯閒把一醉題詩

吳興祚

字伯成奉天人官至兩廣總督加兵部尚書

踏莎美人

送顧梁汾之江右

月暗山城香疎桂樹征帆遙指霞飛處黃雞白酒擬相
招試問君能回首一停橈、夢渚看花蘆洲聽雨高吟
莫作悲秋語西風落葉捲江潮從此相思都在瀟陵橋

宋

聲

字牧仲商邱人以蔭官至
吏部尚書有楓香詞一卷

柳梢青

早春

何事淹留朝來春色又遍皇州綺陌燒燈鳳城挑菜吹
面風柔招尋漫逐鳴騶回首處傷心舊游燕子穿簾
杏花倚檻小小紅樓

陸世楷

字英一平湖人順治間貢生官南雄府
知府有種玉亭詞一卷踞勝臺詞一卷

清平樂

村居

三閨茅屋屋後蕭蕭竹更喜柴門臨水曲隔岸柳絲垂
綠 午餘一枕匡牀醒來牕外斜陽犢子驅過短堰驚
兒浴起方塘

綺羅香

春草

河畔波平山頭燒淨石髮沙痕齊吐一色萋萋遮斷天
涯歸路清夢杳謝客西堂別魂黯江郎南浦望遙空碧
映蒲帆離人時在綠楊渡 倩誰傳語故國留取薜蘿
徑裏莫嫌遲暮客舍蒙茸只有青袍如故正芳時女伴
同尋問舊日王孫何處縱裙腰緊得東風怕聞鶯鶯語

鄭俠如

字士介江都人官工部
司務有休園詩餘一卷

浣溪沙 詠梅

洗盡鉛華獨淡粧。孤情偏愛水雲鄉。恥同桃李媚春光。
已托焦桐傳密意，更邀明月伴幽香。一枝寒玉倚橫塘。

袁于令

初名韞玉字令昭吳縣人官荊州府知府

浣溪沙

郭外紅橋半酒家。柳陰陰下有停車。笙歌隱隱小牕紗。
曲水已無黃篋舫。夕陽何處玉鈎斜。綠荷開遍舊時花。

余

震

字無懷莆田人有秋雪詞一卷

吳梅村云澹心詞大要本於放翁而藻艷輕俊又得之梅溪竹山

浣溪沙

燕城感舊

燕子啣春入畫橈蜀岡楊柳拂西橋隋家宮殿久湮銷
綠酒細斟人脉脉紅簾吹送影迢迢莫愁雙黛帶江
潮

憶秦娥

蛾眉淡芙蓉映日秋將半秋將半畫樓微醉驚兒聲喚
小橋日日嬌癡慣甚無情緒心腸亂心腸亂拈針
線拋殘絃管

呂師濂

字黍字山陰人
有守齋詞一卷

王阮亭云呂子故明太傅文安公曾孫游于
滇爲上客善書亦不依古法古文滔莽雄渾
填詞峭雅而旨艷

蘇幕遮

新秋用周美成韻

燕將歸鱣尙小初拂金風桐葉辭柯少撲上羅衣涼帶
峭忽換蟬聲歌覺空山早玉繩低香霧裊笑指銀河
預引天孫到雨過沉沉蓮漏杳湘簾桃笙一夢天忘曉

陸

埜

字我謀平湖人
有曠莽詞一卷

彭羨門云曠庵年來濩落不偶所作長短調
及和漱玉詞若有所寄託而云然者其詞妍
雅綿麗頗與北宋名家風格相似

如夢令

曉起東風何驟情緒渾如中酒幾度待新春底事惜人
依舊歸否歸否羞見鏡中人瘦

相見歡

碧桃落盡前溪杜鵑啼不喚離人歸也喚春歸 非干
病不關醉是思伊幾度夢中相見又還非

青玉案

朱藤碧草南園路早樓外斜陽暮當日橋邊曾一顧微
波頻送輕羅徐舉總是相憐處 追思往事都成誤又
聽黃鸝送春去淚灑花梢渾似雨柔情流水佳期飛絮
空把年華度

醉花陰

細雨輕風花滿路望斷人歸處斜月又黃昏獨卷湘簾
燕子雙雙度玉簫錦瑟情難訴總爲多情誤生怕是
三春愁共春來不共春歸去

葉大忠

字向日江南華亭人有浪鷗萍草一卷詞附

黃金縷

送春

陌上垂楊千萬縷縈冑東風絆得春無主滿目山川聞
杜宇落紅陣陣催飛絮兩兩黃鸝相對語一度韶光
瞬息看如許把酒問春春不語樓頭一夜蕭蕭雨

毛萼

嘉善人貢生

如夢令

楊柳枝頭疎雨又是蘆花飛絮白露下庭除冷透畫梁
深處愁緒愁緒燕子啣將歸去

華 袞

字龍眉
江都人

王阮亭云龍眉廣陵詩人其詞清婉彷彿竹

屋蘆川

臨江仙

夏景

十里芰荷香暗送槐陰池館涼生白圓小扇惹風輕碧
紗人靜悄花氣壓釵橫 又是黃昏新月上銀箏斜抱
閒行空庭彈出斷腸聲流螢飛四壁清漏徹三更

陳

舒

字原舒江寧人流寓嘉定
有道山詩鈔二卷詞附

蝶戀花

紀夢

試夾羅衣寒尙悄。紫霧團烟月在藤花曉。推枕起來還
睡倒。欲尋去夢程多少。綠水春塘行遍了。山遠斜陽
一碧圍芳草。待喚吟魂天杳杳。醒來人與春同老。

朱大麓

字舜納江
南華亭人

虞美人

兩夜

真珠萬點隨風起。滴碎芭蕉裏。一重簾幙一重愁。又是
紗牕香散悄寒收。情人常傍高樓立。樓下榴花濕。可
憐幽夢爲誰長。記得挑燈絮語費思量。

汪介

字三儼嘉定人諸
生有半舫詞一卷

踏莎行 初秋

岸柳絲黃井梧葉冷蘋花漸老荷花暝雲天漠漠做秋
陰斷霞殘照無憑準風咽蟬聲雨低螢影莎庭露坐
人孤另筭來衾枕一般愁秋宵更比春宵永

毛先舒

字稚黃錢塘人有平遠樓外集一卷羣情詞一卷

滿江紅

暮春柳

一片殘陽映幾處河橋晴色問當日征衫別淚爲誰沾
濕暮雨半梳魂欲斷綠陰如幄愁無極減風流不似門
腰支初相識章臺路春狼籍瀟水岸烟斜織盼香塵
依舊鈿車金勒飛絮影隨風上下離人望斷江南北怕

重來剩有亂蟬嘶千條碧

錢

曾

字遵王
常熟人

鵲橋仙

輕勻粉面斜梳蟬鬢小閣妝成獨坐東風幾陣淡簾鉤
卷無數楊花飛過閒庭草綠紗牕人靜只有燕兒和
我暗將春恨數從頭恰恰被鶯聲啼破

江城子

百勞啼徧小闌干蝶飛還夢初殘人在綺羅香裏度輕
寒牕外海棠開也未朝雨歇卷簾看杏梁春暖燕泥
乾倚屏山思漫漫拖取柳條殘恨上眉端羞整翠鈿無

箇事空對鏡惜朱顏

張

潮字山來新安人
有花影詞一卷

浣溪沙 曉粧

日影杳思罷曉眠蝦鬚簾捲嫩涼偏
工夫拚得費周旋
玉腕半擡釵上裏
星眸頻轉鏡中傳
粧成應得箇人憐

錢

熈字介子
嘉善人

昭君怨

簌簌風敲簾箔庭角梧桐愁落花影半窗橫
月三更
小鷁微微香冷半睡又還驚醒
無賴數聲鐘小牆東

袁

秣

字丹六
嘉興人

蝶戀花

鞦韆牆外紅橋畔香涇籠雲零落桃花片一點芳心如
絮亂繡牀斜倚慵添線拾翠重來尋女伴笑摘櫻桃
簾底彈新燕頻約鴉鬟釵更顫輕綃微露雙金釧

王

暉

初名隸字丹麓仁和人
諸生有峽流詞一卷

施愚山云詞貴清空不尙質是丹麓詞在清
空質實之間

春光好

春游卽事

催夢醒鳥聲柔喚人游烟外垂楊綠影浮雨初收似
趁東風吹去穿花漸近高樓翠幙忽舉人面露惹春愁

國朝詩林卷三
洪雲來

字茂公
錢唐人

菩薩蠻

閨怨

春風吹淡眉梢翠
新粧慵向菱花試
樓上望征鴻雲山
千萬重
無言珠淚滴盡日
闌干側諱道不相
思如何
夢又知

王賓

字仔園江都人
康熙二年舉人

祝英臺近

咽蟬風飄鶴露寂
寞紫蘭渡指點繁
華歌吹竹西路孤
鴻一點飛來數聲
蘆管好迸入晚烟
催暮
凭闌處卻
笑明月無端偏向
玉鈎住垂柳千絲
慘作半城霧年年

慣自悲秋幾回搔首怎便忍送將秋去

江城子 清明

落花流水板橋西
遠邨迷野烟低
青塚茫茫滴酒印紅泥
還問從前忙底事
人不見草萋萋
白楊搖曳不勝悲
紙錢飛杜鵑啼
年去年來埋沒盡
芳菲一帶斜曛歸路晚
風料峭怯寒衣

陸

舜

字吳州泰州人
康熙三年進士

好事近

巡海過飛雲渡

橫海下戈船
信宿珠崖消息試向玉環山外探一絲風色
桃花春汛島門寒寂寞老龍窟閒倚射潮犀弩聽

柁樓吹笛

劉梁嵩

字玉少江都人
康熙三年進士

浣溪沙

紅橋卽事同阮亭作

綠樹陰濃露酒家小廊廻合引停車銀箏嬌倚杏兒紗
水調歌頭聲未了曲闌干外月光斜聲聲渡口賣荷
花

國朝詞綜卷四

青浦王昶纂

吳綺 八首

曹寅 一首

高士奇 二首

丁焯 六首

丁焯 二首

宋泰淵 三首

宋思玉 一首

華胥 三首

呂洪烈 二首

佟國鼎 一首

佟國器 一首

佟國璵 一首

佟世南 十首

王士禛 一首

顧湄 一首

許旭 一首

潘高一首

鄒宏志五首

周綸二首

秦保寅一首

吳

綺字蘭次江都人由選貢生官
湖州府知府有蕤香詞一卷

四庫全書提要云吳綺詩餘頗擅名有紅豆
詞人之號以所作有把酒囑東風種出雙紅
豆句也跌宕風流亦可謂一時才士矣朱
竹垞云蘭次之詞選調寓聲各有旨趣其和
平雅麗處絕似陳西麓

點絳脣 春情

幾度鶯啼垂楊綠了千千縷玉驄人去滴盡西窗雨

瘦損菱花金粉都無緒相思處無情雲樹遮却多情路

又 咏蟬

素縷高懸半生贏得風和露槐朝柳暮占斷青青樹

抱葉吟條似向行人訴愁無數不堪聽處六代斜陽路

調金門

雨後

朝雨沐小閣翠陰如幄閣外白雲飛去速亂峯隨意綠
靈鵲喜聲相續新笋看看成竹滿徑落紅無管束燕
兒唧唧補屋

南歌子

閨情

銀甲調新火珠簾捲曉霞碎寒初着杏紅紗正是惱人
時節不歸家鶯坐渾身柳蜂歸兩股花一絃春怨語
琵琶昨日爲鶯買卦又須差

釵頭鳳

冬閨

燈花滴蠟香熄屏風靜掩遙山碧
簫誰弄衾長空五更
簾幙月和霜重凍凍
閒尋覓無消息淚痕冰惹紅
綿濕愁難送情還種巫雲昨夜同騎雙鳳夢夢夢

兩同心

新燕和宗梅岑

舞煞東風一春無盡恨
芹泥未穩雲廊見柳絮才經露
井怎不記王謝堂前夕陽紅冷
小院窗紗綠靜翩翻
白引喜雙雙剪股花分憶兩兩釵梁玉
金更誰知漢殿
留仙那人孤影

鳳凰臺上憶吹簫

和漱玉詞

鏡翠封奩爐香滅篆晚山青上眉頭記燈邊題詞花底
藏鈎寂寞蕭關人遠千萬事總合長休無聊是早春天
氣心緒如秋 羞羞玉臺孤影便夢入巫陽好更難留
想紫簫吹共袖倚紅樓當日畫闌楊柳曾親見兩地情
眸而今也閒庭萱草不解銷愁

東風第一枝

樓賢看梅和龔芝麓

螺碧遙峰鵝黃新水大堤煙草初暝紫驪斜褭金鞭十
里笑花風淺脂清粉淡抵多少夢雲纖軟只容他雙鶴
棲遲不許美人鶯燕 凝睇處雪迷詩眼坐久地香吹
酒面漫誇點額含章那數綵林隋苑金樽檀板逗春心

昨搖珠線問此時隨上參差可似何郎重見

曹

寅

字子清奉天人官至通政使有棟亭詞一卷

洞仙歌

三屯道上題龍女廟

層巒傳翠盤曲遮行旅野廟荒涼春不住
統平林只有千尺游絲紫晚絮鳩婦陰陰呼雨
月明辭碧海一墮紅塵銷盡人間幾寒暑
別淚灑鮫珠回首孤城澹烟冷照傷心處
都莫管興亡事如何但助我乘風一鞭東去

高士奇

字澹人錢塘人一統志作平湖人以諸生供泰內廷官至禮部侍郎謚文恪有蔬香詞

一卷竹窗詞一卷

雙調 聖江南

堪憶處牆繞院西樓紅樹窗前花門錦碧天簾外月如
鉤時序又新秋消瘦了減卻舊風流閒摘珠滿供晚
浴爲開茱萸更梳頭同坐看牽牛

蘇幕遮

春閨

陌柳長池波皺年去年來只有春依舊怕理羅衫寒欲
逗雨雨風風做出清明候
繆縻蕪面豈慙一種閒情
慣惹人消瘦忽憶花陰初見後半晌無言只把鴛鴦繡

丁 煒

字潛汝德化人由漳平教授官
至湖北按察使有紫雲詞一卷

朱竹垞云雁水構贅園於官廨與往來賓客
倚聲以和所成紫雲詞流播南北蓋兼宋元
人之長

鬢雲鬆

曉起

碧幃深綃被煖到枕流鶯只向夢中噪日映湘屏宮錦
燦簾外遙山一抹烟鬟亂倒紅螺遺翠鈿昨夜歌喉
纍纍珠成串滿院綠陰人不見風颭柔紅隱約桃花面

杏花天

集食郊行

柳烟梨雪東風晚巡繡陌曉寒乍淺草香泥潤金羈緩
隔水賣餠聲喚春欲去游絲難留聽軟語無聊鶯燕
飛紅暗綠誰庭院人試輕衫小扇

碧窗夢

春夜

蓮漏催蟾影梨雲妬蠟明銀箏低訴可憐情不道翠幃

風細有人聽

醉桃源

秋日蘭次觀莊招諸同人集曾波閣待月

榕陰覆水弄新晴涼颼蘋末生殷勤勸客換犀觥蟾華
今夜明珠箔卷澱紋平沿池藻影橫一分秋作十分
清人如月有情

連理枝

舍弟過訪蘭次寓留酌余未及與席上同賦此詞見憶倚聲和荅

曲榭秋陰淨碧沼開粧鏡席共看雲屐疎舊雨難消清
興想多情陶令幾停樽又夕陽催暝鴈過西風冷閒
倚梧桐影竹下人歸花間句好偏愁獨醒待蠶牋約就
醉蘭苕掃蓬門苔徑

青玉案

舟夜得黃用錫書問寄答

蘭橈拍浪浮烟浦正日晚相思處搖落江籬傷歲暮故
鄉亭榭舊時樽俎都入離人句生涯日趁閒鷗鷺認
水驛沙村頻來去明滅漁燈風外吐愁邊心事夢中歸
路滴碎孤篷雨

丁焯

字韜汝德化
人有滄霞詞

瀟瀟雨

落葉

疎林千樹脫露秋山淺黛出寒隄倩枯黃病紫殘紅瘦
碧合造幽淒語月敲風不定暗和峽猿啼撲簌沙鷗背
驚夢難棲何處吟情最苦在夕陽樓北流水橋西記

綠陰深閣鶯展此曾攜數年華飄零爛錦但紛銷霜徑
短筇遙銷凝候郵烟暝報午時雞

杏花天

寒食郊行

玉驄嘶斷斜陽晚漸踏遍裙腰草淺賣花聲過西樓緩
不見隔簾人喚垂柳外秋千還罨但剗地香泥掠燕
新烟籠燭迴深院低裊雀屏盡扇

宋泰淵

字河宗江南華亭人有棣
萼軒唱和春夏詞一卷

鎖窗寒

春晚

綠暗天涯單衣初試閒窗寒少柳浪陰陰留得鶯聲低
巧亂紅零落拂空階暗香葉底猶繚繞正日長人靜博

山烟盡餘烟微裊 悄悄倚欄處珍珠簾不捲銀屏晝
皎情懷困倦漸有睡情相惱奈東風剗地輕吹半枕華
胥殘醉小乍凝眸一樹桐花搖影弄殘照

千秋歲

春暮卽事

落花如夢猶向東風弄長日暖春衫重香車搖玉佩芳
草驕絲鞚關情處短牆曲曲鶯聲哢 瀟瀟瑤釵動皓
腕心微捧無限意嬌波送金環羅袖小寶髻香雲擁臨
欲去碧闌半露鞋頭鳳

天淨沙

夢回翠幙香殘春寒惻惻衾單強起雕簷日淺庭花開

遍無言獨倚闌干

宋思玉

字楚鴻江南華亭人有隸楚鴻倡和詞三卷

王阮亭云楚鴻詞警語層出宋人未遠

點絳脣

夢冷魂消杜鵑啼血春心苦一天風雨春去人無主

涼滿蒼苔燕子簾前舞誰私語爐煙繞處縈結愁千縷

華胥

字義逸無錫人有畫餘譜一卷

魏叔子云義逸工畫嘗見所繪人物間麗婉雅宜其于詩餘學而輒工也

殢人嬌

贈妓同周雪客王衣尚賦

黛色嵐輕粉痕潮淺顰燕尾綠雲雙剪
炭獸爐邊雪猊

簾畔任傾曲吹笙泥他柔煖 曉閣瞢騰晚香零亂還
絮語玉釵恩怨算月盈虧移家近遠待繡戶春風笑桃
人面

宴清都

嘉禾遇曹希文同武原下榻書巢

不減冶遊興韶光在霏微絮亂煙暝秦駐花殷山爭浪
軟去畱難定尋了熟鷺馴鷗許重過書巢鶴艇悵春歸
啼鳥都稀筠簾晝長人靜 更看碧宇澄空海津塵遠
風岫霞冷年時賦別江郎夢老鬢花猶剩故園已隔三
霜拚到處清尊醉醒還凝竚萬綠芳叢一蟾素影

一萼紅

秋海棠

啟扉筠怕尖風零雨愁絕倚欄人翠袂籠寒粉容倦畫
淚眸依舊傷春相憐處雙鬟移照篝影暗曾誤溼仙裙
冷豔暗螢晴嬌舞蝶總是銷魂誰料蘋波乍起奈山
齋秋寂幾度逡巡嬾向粧樓偏留苔巡依徊簾底溫存
任參差輕盈低亞逗疎螢藻井又黃昏能共蘭蓀結佩
惆悵芳辰

呂洪烈

字清卿山陰人
有葑庵詞一卷

桃源憶故人

月夜

梧桐露滴冰輪洗小院清如秋水萬籟無聲靜裏絡緯
吟初起芙蓉影浸橫塘底牽地金風襲體一點愁心

難寄搗就寒衣未

蘇幕遮

秋日限韻

袷衣單絛扇小瀟灑花陰祇覺流螢少獨上層樓幽徑
峭迴望長空鴈字來何早水痕收山帶曩迢遞鄉關
夢去何時到涼月微明銀漢杳驀地寒生愁對疎星曉

佟國龍

字懷東滿洲正
藍旗人官佐領

望江南

宿宣和古廟卽事

賁宿處落日映山紅百尺松濤吹晚浪幾枝樟蔭掛秋
風歸夢繞關東

佟國器

字滙白漢軍正藍旗人
貢生官至浙江巡撫

酷相思 石頭城懷古

百尺高臺臨鶴渚凭弔悲今古看滾滾長江無曉暮前
代也東流去後代也東流去朱雀橋邊芳草路幾遍
風和雨問佳麗六朝遺恨處鶯語也如相訴燕語也如
相訴

佟國興 字碧枚滿洲旗人

浣溪沙 閨思

午捲慵將繡帖移却揎朱袖捲簾幃枝頭已有嫩鶯啼
薄倖客遊芳草路相思人在落花時暮雲樓外遠山
迷

佟世南

字梅岑滿洲人

旗

人有東白堂詞一卷
曹秋岳云東白詞纏綿婉約當與柳屯田秦
淮海爭長

望江南

閨情

閒倚檻螺翠淡眉尖滿院落花春晝靜一窗疎雨暮寒
添不病也慙慙

點絳脣

憶昔芳時花間曾綰同心結飛飛蝴蝶細草輕煙抹
何事而今樓迴人難接愁千疊玉釵敲折一枕殘更只

謁金門

春感

春寂寂人似曉風無力露濕殘花飛不得滿階紅淚滴

騎馬未回空磧芳草又生南陌十二闌干和恨立日
斜山影直

阮郎歸

杏花疎雨灑香堤高樓簾幙垂遠山映水夕陽低春愁
壓翠眉芳草句碧雲辭低徊間自思流鶯枝上不曾
啼知人腸斷時

山花子

芳信無由覓彩鸞人間天上見應難瑤瑟暗縈珠淚滿
不堪彈枕上彩雲巫岫隔樓頭微雨杏花寒誰在暮
煙殘照裏倚闌干

浪淘沙

相望隔重闌
兩地消魂
青山千疊鎖寒雲
夢去夢來遮不住
幾個黃昏
柳葉展眉顰
鶯燕紛紛不晴不雨
奈何春盡道養花天氣
好惱殺離人

小重山

同諸子集玉綏山蛛隱亭

日暖池塘春草齊
杜鵑花影外
杜鵑啼
小亭西畔夕陽低
新雨過山翠欲沾衣
滿眼舊相知
客邊重此會
倒金卮
更闌莫惜醉如泥
東風裊千點落花飛

天仙子

隱隱青山漾碧霧
小艇但隨流水去
荒村何處問桃花

芳草渡斜陽暮一片紅雲遮去路
偏怪東風吹不住
點點胭脂飄細雨人家疑在武陵源
花亂舞鶯亂語只
恐劉郎來又悞

畫屏秋色

感舊

獨自倚闌角嘆病起滿眼秋光蕭索
塞鴈初來天長地
遠錦書難托此際縱相逢已悞了
西樓舊約那更腰肢
如削鎮長日多愁梧桐葉墜漸漸
西風做冷越羅難著
飄泊非關情薄被巫峽雨雲迷却
翡翠香銷胭脂紅
淡相思都錯往事不堪提正少年
輸他行樂日晚自開
簾幙江上望歸舟但見夕陽照處
滾滾寒潮初落

蘭陵王

詠柳贈別和周美成韻

雨絲直弱柳陰陰籠碧長堤外芳草夕陽一派迷離暮
煙色春風到故國慣送天涯行客柔條短不繫玉驄何
似遊絲裊千尺追思舊蹤蹟正翠拂珠樓絮舞瑤席
鞦韆院落逢寒食恨回首人遠夢來相覓飛花撩亂滿
古驛又爭認南北悲惻恨凝積問何處啼鶯深夜寥
寂春江渺渺情何極柰曲裏哀怨又生羌笛枝頭清露
似伴我淚珠滴

王士禛

字禮吉山東
新城人貢生

菩薩蠻

過露筋詞

女郎遺蹟秦郵路晚涼門外青楓樹石竹響空祠蕭蕭
三兩枝可憐嗚咽水斜日西風裏何處感人情佑船
聞笛聲

顧

渭

字伊人
太倉人

滿江紅

錫山遇蘇崑生話舊次韻

曲罷峰青誰歎歎淚珠拋豆是當日征南殘客柳生蘇
叟檄下通族髯奮戟詩成學士胸羅斗到而今淪落只
龜年餘存否廣場月猶挂口蕭寺雨重攜手任臺傾
戲馬塘空走狗慷慨休歌燕市筑逡巡且醉龍山酒柰
白頭一闕授紅紅春風又

許

旭

字九日太倉人諸生

孤鸞

榕署冬日見梅

江南姿格三月初間開來盡白淡掃蛾眉粧就鏡臺新
額東皇不加拘管任狂蹤亂尋游屐把酒空山野店聽
一聲羌笛 柰故園何處關山隔早臘盡天南難問消
息況在重門裏更怎生知得忽見一枝折到道那邊十
分狼籍不信天涯如夢看青衫沾溼

潘

高

字孟升金壇人
有南村詞一卷

漢宮春

雨笠煙蓑挂輕帆何處徧臥春湖晚來卻看西渡雲冰

模糊江天欲雪認前年
沾酒卹壚頻問訊扁舟消息當
時蝦菜如何 可惜一場風月論
呼鶯戲馬更有人無
如今故交落落昔夢疎疎雞豚
近局也時時子弟肩輿
爲報道山翁老卻江湖豪氣全
除

鄒宏志

字念尊吳江人
有邀月詞一卷

尤展成云具區今之孝子也殺賊守城馳名
天下且又工於小詞字字香艷

望江南

江南好春到柳吹綿
浴繭風輕調鶴地
焙茶煙暗賣餠
天無事日如年

又

江南好銷夏儘風流淨掃煙窗烹雀舌平鋪冰簟剝雞頭新竹響颼颼

又

江南好秋老拾松釵擁几堆盤誇佛手沿籬綻菊號僧鞋却稱坐幽齋

又

江南好冬暖愛農家村店板橋饒竹葉紙窗茅屋種梅花枯樹亂棲鴉

蝶戀花

初夏村居

村徑斜穿饒笋蕨淺立墻陰剛是春游歇竹杖芒鞋問

打迭廉纖雨殢苔
滑綠膩一池梅
水咽猶喜浮萍
替得楊花活煮酒
欲將浮蟻結小梅
試摘牙酸徹

周

綸

字鵬垂江南華亭人貢生官國子監學正有柯齋詩餘一卷

望江南

門畫掩臨鏡問花枝
風若有情吹不去
月應無意照來遲
徧爲惹相思

洛妃怨

寂寞舊時池館人共落花吹散繫馬畫橋邊
恨綿綿心事倩誰堪
管忘卻春風一半沾
酒醉還眠夕陽天

秦保寅

字樂天無錫人

風流子

和留仙

當年人隱約桃花路青鳥信悠悠想敲斷玉釵丁香緘
恨渡來銀漢荳蔻含愁如今見華燈催按曲斜日看梳
頭着意矜持低鬟輕笑自然風度無語凝眸泰娘橋
下路歸時應不忘曲院重樓更記酒闌調瑟燭暗深鉤
怕橫塘夢斷錦書難托山香舞罷翠鈿誰收待到梅花
如雪一半春休